



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 03-11-1-3110-4-1/23- JH/SA

Tuzla, 11.01.2024. godine

Na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14 i 59/22), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 04/16) i Preporuke Komisije za provođenje postupka ugovaranja dijagnostičkih pretraga za 2024. godinu, donosi se sljedeća

O D L U K A
o izboru ponuđača
u postupku nabavke dijagnostičkih pretraga za 2024. godinu
LOT 1 - CT dijagnostika ambulantne usluge

I

Cijeneći Preporuku Komisije za provođenje postupka ugovaranja zdravstvene zaštite, za nabavku dijagnostičkih pretraga za 2024. godinu – LOT 1 CT dijagnostika ambulantne usluge, za koje je u sistemu Javnih nabavki objavljeno Obavještenje o nabavci usluge iz Aneksa II broj: 793-9-2-17-22-246/23 od 19.12.2023. godine, biraju se ponuđači kako slijedi:

1. JZU Dom zdravlja Živinice
2. ZU Specijalna bolnica „Medical Institute Bayer“, Tuzla
3. ZU „Poliklinika Azabagić“, Tuzla
4. PZU Specijalna bolnica „Plava Medical Group“ sa poliklinikom, Tuzla
5. JZU Opća bolnica „dr. Mustafa Beganović“, Gračanica
6. JZU UKC Tuzla

II

Cijene po kojima će se vršiti realizacija okvirnog sporazuma, u skladu sa odlukom Upravnog odbora Zavoda iznose:

- CT dijagnostika sa kontrastom – 150 KM (izuzev CT angiografija i koronarografija),
- CT dijagnostika bez kontrasta – 100 KM,
- CT angiografija – 200 KM,
- CT koronarografija - 250 KM

Finansiranje će se vršiti na osnovu Modela 3 iz člana 12. stav (1) tačka c) Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2024. godinu, broj: 02/1-33-032042/23 od 12.12.2023. godine.

III

Nakon protoka Zakonom predviđenog roka, te dobijanjem Saglasnosti Ministarstva zdravstva Tuzlanskog kantona za zaključivanje Okvirnog sporazuma i usvajanjem Odluke Upravnog odbora Zavoda zdravstvenog osiguranja TK o davanju saglasnosti na zaključivanje Okvirnog sporazuma, ovaj Ugovorni organ će sa izabranim ponuđačima zaključiti Okvirni sporazum o pružanju dijagnostičkih pretraga za 2024. godinu – LOT 1 CT dijagnostika ambulantne usluge.

IV

U skladu sa članom 70. stav (6) Zakona o javnim nabavkama BiH, ova Odluka će biti objavljena na internet stranici Ugovornog organa istovremeno sa upućivanjem svim učesnicima u predmetnom postupku.

VI

Ova Odluka stupa na snagu danom donošenja.

OBRAZLOŽENJE

Na osnovu člana 8. stav (1) Zakona o javnim nabavkama ("Službeni glasnik BiH", broj: 39/14 i 59/22), Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2024. godinu, broj: 02/1-33-032042/23 od 12.12.2023. godine, koju je donijela Vlada Tuzlanskog kantona, člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 4/16) i Saglasnosti Ministarstva zdravstva TK broj: 13/1-11-032715/23 od 19.12.2023. godine, objavljen je Javni poziv za dostavu ponuda za ugovaranje dijagnostičkih pretraga za 2024. godinu broj: 03-11-1-3110-2/23- AA/SA od 19.12.2023. godine.

Predmet nabavke su usluge dijagnostičkih pretraga za 2024. godinu i podijeljen je na tri (3) LOT-a:

- LOT 1 - CT dijagnostika ambulantne usluge
- LOT 2 - MRI dijagnostika ambulantne usluge
- LOT 3 - Oftalmološke usluge

Procijenjena vrijednost nabavke iznosila je 6.700.000 KM, podjeljena na LOT-ove:

- LOT 1 - CT dijagnostika ambulantne usluge - 2.800.000 KM
- LOT 2 - MRI dijagnostika ambulantne usluge - 3.200.000 KM
- LOT 3 - Oftalmološke usluge - 700.000 KM

Kriterij za odabir ponuđača je bio najniža ponuđena cijena.

U predmetnom postupku ponude su dostavili sljedeći zainteresirani ponuđači:

1. JZU Dom zdravlja Gradačac

Ponuđač JZU Dom zdravlja Gradačac u ponudi je dostavio Rješenje Ministarstva zdravstva Tuzlanskog kantona broj: 13/1-03-37-12905/10 od 13.05.2011. godine, kao i Potvrdu Ministarstva zdravstva Tuzlanskog kantona broj: 13/1-33-2242-1/21 od 15.12.2021. godine, u kojima nije navedeno odobrenje da ispunjavaju propisane uslove u pogledu kadra, prostora i opreme, odnosno da ispunjavaju i druge zakonom propisane uslove za obavljanje odobrene djelatnosti, tražene tačkom 4. Javnog poziva. Ponuđač u skladu sa tačkom 4. Javnog poziva nije priložio dokaz da je od nadležnog ministarstva zdravstva dobio odobrenje da ispunjava propisane uslove u pogledu kadra, prostora i opreme, odnosno da ispunjava i druge zakonom propisane uslove za obavljanje odobrene djelatnosti.

U skladu sa tačkom 4. predmetnog Javnog poziva ponuđači su bili u obavezi dostaviti dokaz da je pokrenut/završen postupak akreditacije/certifikacije u skladu sa zakonom o sistemu poboljšanja kvaliteta, sigurnosti i o akreditaciji u zdravstvu („Službene novine F BiH" broj: 59/05, 52/11 i 6/17). Uvidom u ponudu ponuđača JZU Dom zdravlja Gradačac utvrđeno je da ponuđač nije dostavio traženi dokaz.

Uzimajući u obzir naprijed navedeno ponuda ponuđača JZU Dom zdravlja Gradačac ocijenjena kao **nepravilna**.

2. PZU Poliklinika „Medical Irac“, Tuzla - ponuda ocijenjena kao nepravilna

Ponuda nije dostavljena u skladu sa tačkom 10. predmetnog Javnog poziva, odnosno dostavljena je jedna zajednička ponuda za LOT 1 i LOT 3 u jednoj koverti.

S tim u vezi ponuda ponuđača PZU Poliklinika „Medical Irac“, Tuzla je **nepravilna**.

3. JZU Dom zdravlja Živinice - ponuda ocijenjena kao prihvatljiva
4. ZU Specijalna bolnica „Medical Institute Bayer“, Tuzla - ponuda ocijenjena kao prihvatljiva
5. ZU „Poliklinika Azabagić“, Tuzla - ponuda ocijenjena kao prihvatljiva
6. PZU Specijalna bolnica „Plava Medical Group“ sa poliklinikom, Tuzla - ponuda ocijenjena kao prihvatljiva
7. JZU Opća bolnica „dr. Mustafa Beganović“, Gračanica - ponuda ocijenjena kao prihvatljiva
8. JZU UKC Tuzla - ponuda ocijenjena kao prihvatljiva.

Obzirom da su ponuđači čije su ponude ocijenjene kao prihvatljive ponudili cijene koje su u skladu sa odlukom Upravnog odbora ZZO TK utvrđene kao maksimalne i cijeneći da je tačkom 7. predmetnog Javnog poziva za ovaj postupak nabavke predviđeno vođenje pregovora u svrhu postizanja jedinstvene najniže cijene po uslugama koje su predmet nabavke, pregovori predviđeni Javnim pozivom nisu se provodili.

Postupajuća Komisija je dala Preporuku Ugovornom organu da se Okvirni sporazum o pružanju dijagnostičkih pretraga za 2024. godinu – LOT 1 CT dijagnostika ambulantne usluge, dodijeli ponuđačima kao u dispozitivu ove Odluke.

Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

U postupku je procijenjeno da je Komisija u svemu pravilno postupila, te da je izbor ponuđača izvršen u skladu sa Zakonom o javnim nabavkama, podzakonskim aktima i Javnim pozivom.

Cijeneći naprijed navedeno, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti Žalba Uredu za razmatranje žalbi putem ovog Ugovornog organa najkasnije u roku od 10 dana od dana prijema ove Odluke.

Dostavljeno:

1. Ponuđačima (e-mail)
2. a/a



DIREKTOR

Doc. dr. sc. Denis Husić, dipl. pravnik

